

Testement de Jehan Baudonet  
dict Ganhayre de Bonrepaux

L an que dessus **mil cinq cens cinq(uan)te quatre** et le **vingt cinquiesme** jour du mois de **septembre** au lieu de **bonrepaux** et dans la **maison des here(tiers) (de) feu hugues faure vieulx vieulx** y assize en lenguedoc regnant le roy henry etc es p(re)nces de moy not(aire) et tesmoingz soubz (e)scriptz constitue [per]sonnelle(men)t **Jehan Baudonet dict Ganhayre** habitant de la juridiction dud(it) lieu lequel estant assiz sur ung banc en la salle de lad(ite) maison sans estre dettenu en aulcune maladie corporelle ains sain [com]me auroit dict de sa [per]sonne toutesfoys **op(p)resse de vi(ei)llesse** bien voyant ouyant [par]lant cognoissent et estant en ses bons scens e(t) memoire [con]siderant ce que a ung [per]sonnaige saige [con]vient a [con]siderer de son gre a faict et ordonne son dernier noncupatif et valable testament en la forme et maniere suyvans et p(re)mierement [com]me ung vray [chret]ien en la sainte foy de dieu s( )est signe du seing de la sainte croix disent en nom du pere du filz et du saint (e)sp(ri)t amen apres a [co]mande led(it) testateur ses corps et ame a dieu le creat(eur) a( )la glorieuse vierge marie et a toutz les saintz et saintes de paradis item a volu

.....  
lj  
52

led(it) testateur que quant son ame sera de son corps separee que sond(it) corps soit ensepvely au saint symintier de l( )egli(se) [par]ochielle dud(it) bonrepaux et au vas<sup>1</sup> auquel ses predecesseurs trepassez sont este ensepveliz item a volu que aulx jours de ses decez novene et bout d( )an et a( )ch(ac)un d( )iceulx troys soyent [par] ses heretiers universailz cy apres instituez [con]voquez et appellez trente p(rest)bres messes chantans ausquelz et( )ch(ac)un d( )iceulx a volu estre paye [par] sesd(its) heretiers vingt

deniers tourn(ois) avec refection corporelle a  
ch(ac)un desd(its) jours item a voulu estre eues  
[par] sesd(its) here(tiers) universailz quatre entorches  
cire de demy livres ch(ac)une a( )ch(ac)un desd(its) troys  
jours lesquelles a voulu estre alumees a( )la  
maniere acoustumee tant que les messes  
haultes de ses funerailles dem(e)ureront a  
[par] canter<sup>2</sup> item a voulu estre suyvy sa novene  
luy inco(n)tinent decede et( ) [par] ne(u)f jours apres  
sond(it) decez [con]sequitiz estre celebre ch(ac)un  
d( ) iceulx une messe basse des trespassez  
a( ) laquelle a voulu estre offert a( ) dieu pain  
vyn et( ) lum<sup>3</sup> et( ) les messes payees aulx  
p(rest)bres que les celebreront c( ) est pour  
ch(ac)une vingt deniers tourn(ois) le tout [par] sesd(its)  
here(tiers) universailz item a( ) legue led(it) testa(teur)  
a( ) honneur de dieu al accapte des povres  
ames de purcatoire erige en lad(ite) egli(se)  
de bonrepaux cinq soulz t(ournoi)z payables une foys  
dans l( ) an apres sond(it) decez [par] sesd(its) here(tiers)  
universailz soubz nommez item a( ) legue en la

.....

maniere susd(ite) al accapte saint pierre estant  
en lad(ite) egli(se) quatre soulz tourn(ois) une foys  
[com]me et( ) [par] qui dessus payables item aussi  
a( ) legue en la qualite [com]me dessus a( ) ch(ac)un  
au(tr)e accapte en lad(ite) egli(se) estant la  
somme de troys soulz tourn(ois) une foys  
[com]me et( ) [par] qui dessus payable item a  
volu dans ung an apres sond(it) decez estre  
faicte une almosne sive caritat de  
cinq emynes bled missole a mesure de  
mo(n)tauban en pain cuyct [con]verty et de  
une pipe bon vyn rouge et( ) par laquelle  
a voulu estre distribuee aulx povres de dieu  
et au(tr)es que en viendront querir au  
devant la porte de sa maison et q(ue)  
soyent tenuz prier dieu po(ur) son ame et  
au(tr)es des trespassez item a( ) legue led(it)  
testateur [par] droict d( ) institution [par] ticuliere  
et portion hereditaire a **annete** et **peyronete**  
**baudonetes ses filles** legitimes et naturelles  
et a( ) ch(ac)une d( ) icelles outre et( ) part les  
douvaires a( ) ch(ac)une d( ) elles [par] luy [con]stituez en  
leurs [con]traulz de mariaige lesquelz  
douvaires a dict leur avoir este [par] luy  
ou bien a( ) leurs marys payez la somme  
de cinq soulz t(ournoi)s une foys dans l( ) an apres  
son decez payable et icelle moyen(ant)  
les a( ) faictes et( ) ch(ac)une d( ) elles ses heretieres

[par]ticulieres et que ne puyssent au(tr)e  
chose demander en sesd(its) biens item a  
legue [com]me dessus a **jehan et francoise**

---

lij

53

**champies ]filz[ ses nepeuz filz a feu ramonde  
baudonete dicte la blanche fille aud(it) testateur**  
et a( )ch(ac)un d( )iceulx la somme de cinq soulz t(ournoi)z  
une foys [com]me et( ) [par] qui dessus payable et  
ce moyenant les a( )faictz ses here(tiers)  
[par]ticuliers etc item a( )legue led(it) testateur  
[par] droict de institution [par]ticuliere et portion  
hereditaire et au(tr)ement [con]stitue en douvaire  
a **annete catherine** autre **catherine baudonetes**  
ses nyepces **filles a feu guill(aum)e baudonet**  
**dict guillermes son filz** et a( )ch(ac)une d( )icelles  
quant viendront en eaige d( )estre mariees  
et se maryeront c( )est de( )la somme de  
quarante livres tourn(ois) ensemble ung licet garny  
de colserre coyssin avec plume souficient  
quatre linseulx une flessade et deux robes  
l'une cotte drap noere de paris et l( )au(tr)e  
gonelle drap pers de mo(n)treal a( )l( )usage  
de leurs [per]sonnes prestes a vestir que  
a volu ]estre[ leur estre paye c( )est  
vingt livres avec lesd(its) licet garny e(t) robes  
a( )ch(ac)une le jour de la solempnisation de  
leurs mariaige et apres ch(ac)un an a( )la  
feste n(ot)re dame la chandeleuse deux livres  
tourn(ois) jusques a( )fyn de paye et ce  
moyen(ant) les a( )faictes ses heretieres [par]ticulieres  
et que ne puyssent au(tr)e chose demander  
en ses biens et en toutz et( )ch(ac)uns ses  
au(tr)es biens meubles immeubles droictz voix  
actions no(m)iations p(re)ns et advenir ou que  
soyent puyssent estre et en quelsques  
forme et maniere que luy puyssent a[par]tenir

---

led(it) testateur a faictz cien et( )de sa  
bouche nommez ses heretiers universailz et  
generaulz scavoir est **guill(aum)e et gaillard**  
**baudonetz ses filz** legitimes et naturelz et  
**jehan baudonet** son nepveu **filz a feu** au(tr)e  
**guill(aum)e** son filz [par]( )esgalles portions en(tr)e  
eulx a deveser c( )est ch(ac)un [par] une  
troyziesme [par]tie troys [par]ties tout faisant

[par] lesquelz a volu estre payez sesd(its)  
leguatz aulx lieux et termes et [personnes susd(ites)  
bien a dict led(it) testateur jadiz avoir  
receu dud(it) **guilla(um)e baudonet sond(it) heretier**  
en deux foys la somme de cent quarante  
ne(u)f livres tourn(ois) provenues des douvaires  
de **anth(oin)ete carate et catherine durante**  
]et[ **ses premiere et tierce femmes** et  
dud(it) **feu** au(tr)e **guill(aum)e** pere dud(it) jehan  
sond(it) [co]heretier la somme de soixante  
livres tourn(ois) provenue du douvaire de  
**mariete ruelle sa femme** et de  
**gaillard baudonet** sond(it) au(tr)e filz la  
somme de trente livres tourn(ois) d( )une [par]t  
provenue du leguat a **anthoinete faura**  
**femme dud(it) gaillard** [par] feu maistre  
george griget p(rest)bre a elle faict et  
de au(tr)e [par]t la somme de vingt  
cinq livres tourn(ois) [pro]venue du douvaire  
de lad(ite) faura desquelles sommes led(it)  
testateur a volu estre ]faiete[ en(tr)e sesd(its)  
]eøhe[ heretiers ou et quant viendront  
a division estre ]en(tr)e[ faicte [com]pensation

.....

liij

54

et que celluy qui luy aura plus baille  
par les au(tr)es ch(ac)un en son esgard et  
endroit soyt ramborse de sesd(its) biens  
en argent ou autrement [com]me sera en(tr)e  
eulx accorde avant [par]faire la devision  
item aussi a volu led(it) testateur que  
led(it) guill(aum)e baudonet sond(it) [co]heretier soit  
tenu **ayder a maryer ausd(its) gaillard et**  
**jehan ses [co]heretiers** et a( )ch(ac)un d( )iceulx  
**une de leurs filles** de leurs legitimes  
mariaiges [pro]cedens po(ur) tierce [par]tie des  
sommes et autres choses [com]me leur seront  
en douvaires [con]stituees en la forme et  
maniere qu( )il a dict jadiz avoir marie  
**annete baudonete fille aud(it) guill(aum)e [co]heretier**  
item aussi a volu [com]me po(ur) ce que led(it)  
**guill(aum)e baudonet** avoit este jadiz en  
**segondes nopces** [con]tracte mariaige avec  
**gabriolle (sic) cabrolle** et luy avoit este paye  
po(ur) le douvaire d( )icelle la somme  
de soixante dix livres tourn(ois) laquelle  
icell(ui) guill(aum)e avoit mise de son [con]senteme(n)t  
a prouffict [par]ticulier que led(it) prouffict

qu( )il auroit faict dud(it) douvaire soict  
en seul aud(it) guill(aum)e a la charge de  
payer [par] led(it) guill(aum)e aud(it) gaillard baudonet  
la somme de quinze livres tourn(ois) de jour  
en jour quant [par] luy seront requizes  
a( )lad(ite) somme de quinze livres tourn(ois) comprinse

---

la somme [par] lad(ite) fueve cabrolle femme aud(it)  
guill(aum)e aud(it) gaillard baudonet leguee ou  
ce que luy pourroit avoir legue item  
a volu que le cas advenent l( )ung ou l( )au(tr)e  
de sesd(its) heretiers universailz decedast  
intestat ]~~et sans enf~~[ et sans enfans  
masles de legitimes mariaiges que  
la portion de l( )heredite du descende  
devieigne de plain droict aulx survivens  
ses here(tiers) universailz et de l( )ung a( )l( )au(tr)e  
en lad(ite) qualite les a( )substituez et  
si y avoit de femmez que soyent adoutez  
selon la faculte des biens de celluy q(ue)  
sera decede et le p(rese)nt testament  
a volu estre le scien dernier noncupatif  
et valable et valoir [par] droict de  
testement etc et au(tr)e maniere de  
derniere disposition que pourra  
mieulx valoir de droict et a casse  
et anulle toutz ses au(tr)es testemens  
codicilles donnetions a cause de mort  
et au(tr)es ses dernieres volentez avant  
la p(rese)nt faictes si a priez les  
tesmoingz cy apres mys estre recordz  
du [con]tenu en sond(it) testemens (*sic*) et a( )moy  
luy en retenir instrument que auroit  
este accorde es p(rese)nces de maistre  
gerauld faure p(rest)bre pierre vaysse  
card(e)ur gabriel vaysse jehan marmon  
m(aîtr)e charles branca not(aire) pierre benezech  
dict pelucque et( )ramond gaubilh

---

liij

55

tant dud(it) bonrepaux sa jurisdiction que  
du lieu de la salvetatmajeuze et de  
la ju(ridicti)on de villebrumier habit(ants) tesmoingz  
requiz et priez et de moy jacques

Moncere

<sup>1</sup> *Vas, vase, s. m., cercueil, sépulcre.*

<sup>2</sup> *Parcanter; chanter entièrement.*

<sup>3</sup> *Lum, s. m., lumière.*

© jchr - 18 mars 2024